

Gvangjsih Minzczuz Bau

广西民族报 aenhauh okbanj: CN45-0036 B.2021 Nd.9 Ng.22 liggaueq sincouj nienz ndwenbet cibroek

Baihguenjbanh:

Gvangjsih Bouxcuengh Swcigih
Minzczuz Cunghgyau Swvu
Veijyenzei

Biengauj okbanj:

Gvangjsih Minzczuz Bause
Geizsoq: Gungh daih 3492 geiz
Geiz neix 8 banj

Luz Sinhse Mwh Diuyenz Hong Minzczuz Caeuq Cunghgyau Giengzdih

Roengzrengz Cauhlaeb Dieg Guhyiengh Cukmaenh Gij Eiqsik Caezcaemh Cunghvaz Minzczuz
Haenqrengz Doidoengh Hong Minzczuz Seizdaih Moq Gih Raeuz Hwngfat Youh Ndei Youh Vaiq

鹿心社调研民族和宗教工作时强调

努力创建铸牢中华民族共同体意识示范区
着力推动我区新时代民族工作高质量发展

Ndwen 9 ngoenz 13, Swcigih Dangveij suhgi, Swcigih Yinzda Cangveijvei cujyin Luz Sinhse bae daengz Swcigih Minzczunghveij, diu-yenz hong gvancez doeksaed gij cingsaenz gangvah youqgaenj Siz Ginbingz cungsiuhgi youq Aen Hoih Hong Minzczuz Cunghyangh, roengz-rengz cauhlaeb dieg guhyiengh cukmaenh gij eiqsik caezcaemh Cunghvaz Minzczuz, haenqrengz doidoengh hong minzczuz seizdaih moq gih raeuz hwngfat youh ndei youh vaiq, guh ndei hong cunghgyau daengj.

Gvangjsih Minzczuz Cuzbanjse dwg aen cuzbanjse cujyau oksaw cihsaw minzczuz caeuq sawdoz vwnzva minzczuz, sawdoz minzczuz gyauyuz. Daeujdaengz aen ding langhbaib cuzbanjse, Luz Sinhse ciengzsaec roxyiuj gij cingzgvang hong oksaw swncienz vwnzva minzczuz Gvangjsih. De giengzdih, aen gihgou oksaw minzczuz dangguh dieg senhconz youqgaenj cienzboq vwnzva minzczuz, aeu genhciz yungh gij swhsiengj Siz

Ginbingz sevei cujyi miz daegsaek Cungguek seizdaih moq guh dazyinx, genhciz gij dazyinx oksaw cinjdeng, fatok gijndei, doedok daegsaek, gunnganq binjbaiz, lai ok saw ndei, haenqrengz fatyengz sevei cujyi hwzsinh gyacizgvanh, gij cingsaenz minzczuz gyaegzuek cujyi guh hwzsinh haenx caeuq gij cingsaenz seizdaih yungh gajgwz cauhoq guh hwzsinh haenx, mboujduenh hawj gak cuz vunzlai lai nyinhdoengz guekcoj hungmbwk, Cunghvaz Minzczuz, vwnzva Cunghvaz, Cungguek Gungcanjdangj, sevei cujyi miz daegsaek Cungguek. Aeu cawjdoengh hab' wngq hawciengz bienvqac caeuq bouxdoeg aeuyungh, caenh' itbough gyagiengz gajgwz cauhoq, mboujduenh daezsang rengz yingjyangj ndanggaeuq caeuq rengz doxdax hawciengz, haenqrengz doidoengh gij saehnieb oksaw minzczuz hwngfat youh ndei youh vaiq.

Youq Swcigih Minzczunghveij, Luz Sinhse daengz dieg cazyawj le

Gvangjsih Saujsu Minzczuz Gujcz Baujhoh Yenzgiu Cunghsinh caeuq gij cingzciak hong minzczuz, ciengzsaec roxyiuj gij cingzgvang doigvangq cienzdoh saw vah doeng' yungh guek-gya caeuq saw vah saujsu minzczuz caeuq hong swncienz baujhoh saw-gaeuq, dingq gij bauqlwnh hong minzczuz caeuq cunghgyau gih raeuz. Luz Sinhse naeuz, aeu doigvangq cienzdoh saw vah guekgya doeng-yungh, cienzmienh gyagiengz sonhag saw vah guekgya doeng' yungh, baujmaenh bouxcoz nyzrauh gak minzczuz gaemdawz caeuq yungh ndei saw vah guekgya doeng' yungh. Aeu caenh-itbough daezswng gij naengzlig baujhoh swhyenz saw vah saujsu minzczuz caeuq vwnzva de, cungfaen yungh swhyenz dijbauj sawgaeuq caeuq saw vah gak minzczuz gih raeuz, gyagiengz yenzgiu gij lizsij Cunghvaz Minzczuz, sonyinx gak cuz ganbu vunzlai cinjdeng roxnaj Cunghvaz Minzczuz caeuq vwnzva Cunghvaz dwg lai loh gap baenz, mboujduenh gyalai nyinhdoengz vwnz-

va Cunghvaz. Aeu genhciz caeuq hwngfat cunghgyau lijn sevei cujyi miz daegsaek Cungguek, genhciz gij fueng' yienq cunghgyau miz daegsaek Cungguek, sonyinx cunghgyaugai haiguh hozdung cawjdaez gyauyuz "gyaez aendangj gyaez guek gyaez sevei cujyi", sonyinx doidoengh gyoengqvunz saenq cunghgyau gyo-mbaiq aen aendangj, dingq aendangj gangj, riengz aendangj byaij, caezcaemh hwnjguh aen gyaranz gyaunde.

Luz Sinhse giengzdih, guh ndei hong minzczuz aendangj seizdaih moq gih raeuz, aeu haeujlaeg gvancez doeksaed ndei gij cingsaenz Aen Hoih Hong Minzczuz Cunghyangh daegbied dwg gij swhsiengj youqgaenj Siz Ginbingz gvendaengz gyagiengz caeuq gajnde hong minzczuz, gaemdawz diuz sienqmeh hong minzczuz neix cukmaenh gij eiqsik caezcaemh Cunghvaz Minzczuz laegdaeuq bae, roengzrengz cauhlaeb dieg guhyiengh cukmaenh gij eiqsik caezcaemh Cunghvaz Minzczuz, doidoengh hong minzczuz daengx gih caiq hwnj mbaeklae moq, hawj daengx gih gak cuz beksingq ndaej gvaq ndwenngoengz engqgya vuenyungz gyaunde, gyonj sim comz rengz gyavaiq hwnjguh aen Gvangjsih gyaunde sevei cujyi miz daegsaek Cungguek seizdaih moq. Aeu dungj-couz guh ndei hong cauhlaeb dieg guhyiengh cukmaenh gij eiqsik caezcaemh Cunghvaz Minzczuz, couzbanh ndei aen hoih hong minzczuz daengx gih, comzyawj gij vwndiz caeuq banjdin miz haenx, daezok banhfap youh ndei youh mizyungh, vih gih raeuz cau-hlaeb dieg guhyiengh cukmaenh gij eiqsik caezcaemh Cunghvaz Minzczuz, doidoengh hong minzczuz seizdaih moq hwngfat youh ndei youh vaiq daezhawj cwngcwz baujcaeng. Daengx gih gak gaep gak bouhmonz yaek gyalai rengz haeujcoengh hong minzczuz, caezcaemh henhoh gij gizmen ndei minzczuz doxgiet, sevei onjdingh, bien' gyaiq an' onj.

Ciz Sauconh, Vangz Veijgingh, Vangz Cinvaz caezcaemh diuyenz.

(Cinz Yizcwz)

Cuengqhag Le Doilaeng Fugsah Son Dinfwngz Minzczuz Gyalai Rengzhoengh

民族技艺添彩课后延时服务



Haggeiz moq hai-hag doxdaeuq, Yungz-suij Myauzczuz Swciyen Myauzgyah Siujcin Siujyoz giethab vwnzva Myauzczuz dangdieg, ciuq dieg bae guh youq seiz cuengqhag le doilaeng fugsah haiguh san doxgaiq faexcuk, dajsiuq, dozfaiq daemj-baengz daengj dinfwngz minzczuz, vih ndawhag gyalai saek moq caeuq rengzhoengh. Ndaw doz dwg ndwen 9 ngoenz 15, youq Yungzsuij Myauzczuz Swciyen Myauzgyah Siujcin Siujyoz, hagseng cingq hag san doxgaiq faexcuk.

(Lungz Dauh)